


# FEAR AN PHOIST



## CÉIM 1. CLOISTEÁIL AGUS AITHINT

### Cuntas Reatha

Bhí Mamaí agus na leanaí sa chistin. Tháinig fear an phoist. Bhuail sé ar an doras. Chuala na páistí é.

### Agallamh

- BRÍD: Oslóidh mise an doras.  
 PÁID: B'fhéidir go bhfuil beart aige.  
 FEAR AN PHOIST: Dia duit, a Bhríd. An dtabharfaidh tú an beart seo do Mhamaí?  
 BRÍD: Tabharfaidh, cinnte. Slán leat anois agus go raibh maith agat.  
 FEAR AN PHOIST: Slán agat, a Bhríd.

### Cuntas Reatha

D'oscail Mamaí an beart. Bhí sciorta ann do Bhríd agus geansaí do Pháid. Bhí áthas ar na leanaí.

## CÉIM 2. AITHRIS

## CÉIM 3. ATHRÁ Ó SPREAGTHAIGH

### Pictiúr: Radharc:

An chistin, Mamaí ag obair, Bríd agus Páid ina seasamh, fear an phoist ag an doras; Beart le cur ina lámh agus sa chiorcal cainte de réir mar a oireann. An beart á oscailt ag Mamaí; sciorta, geansaí, comhartha ceiste.

Céim 4: Liathróid pheile, cárta, stampa.

Gníomhartha agus geáitsíocht a dhéanamh de réir mar a bhíonn gá leo.

- (a) Spreagthaigh shúl (mar atá i gCéim 1);  
 (b) Spreagthaigh chluas:

Cé a bhí sa chistin?  
 Tháinig duine éigin?  
 Céard a rinne sé?  
 Chonaic na páistí é?  
 Céard a dhéanfaidh tú, a "Bhríd"?

Cén fáth?

B'fhéidir go bhfuil litir aige, a "Pháid"?

Tusa, a "fhear an phoist", beannaigh do Bhríd.

Cuir ceist uirthi faoin mbeart.

Freagair é, a "Bhríd".

Tá fear an phoist ag imeacht anois, fág slán aige.

Tusa, a "fhear an phoist", freagair í.

Céard (Cad) a rinne Mamaí?

Céard a bhí sa bheart?

Bhí brón ar na leanaí, is dócha?

#### CÉIM 4. CLEACHTADH MÚNLAÍ AGUS FOCLÓRA

1. *Bhuail sé ar an doras.*

(*anois, gach lá, amárach; ar? níor: inné; an? ní: amárach*).

2. B'fhéidir go bhfuil *beart* aige.

(*cárta, stampa, páipéar grinn, liathróid pheile*).

3. *D'oscail* Mamaí an beart.

(*ar maidin, amárach; níor, ar?: inné; ní: amárach*).

4. Geansaí *do Pháid*.

(*tusa, eisean, mise, ise, an cailín*).

#### CÉIM 5. SAORCHOMHRÁ CRUTHAITHEACH

1. Aithris ar an mbunchomhrá.

2. Dráma:

Tagann fear an phoist go doras na scoile.

3. Cuntas ó pháiste ar bhronntanas a fuair sé/sí.

4. Dráma eile:

Fuair an múinteoir beart.

5. Scéal a chumadh:

*Tháinig an garda go doras na scoile. Bhí mála scoile ina láimh aige . . .*

6. Comhrá faoin bpictiúr agus ceisteanna ó pháistí ar a chéile agus ar an múinteoir.

#### Rann Ceoil (An ceol ar théip)

Tháinig fear an phoist go dtí an teach

Bhí beart aige do Mhamaí ina láimh,

Bhuail sé ar an doras Rat-tat-tat,

"Seo beart mór duit, a Mhamaí; slán leat, a Pháid".